

正月元旦拜天地祖先畢徧拜戚友士夫間具柬或止造門剥咏殊非體五日送窮六日爆豆云逐蠅八日接星元宵前後三日壘炭火金吾弛禁謂之放燈士子詣文廟文昌廟各進香元宵拜掃先塋二十日二十五日燃燈謂之添倉正月婦女禁針過此不禁

二月二日人家以灰引至門謂之引錢龍士子詣文昌廟進香

三月三日插柳云避蝎清明祭墓每八日聖母廟進香男女趾錯殊不雅觀送替身掛旛之說尤屬鄙俚

保德州志

卷三

風土

四十一

四月每八日北嶽廟進香視聖母廟在甚焉

五月五日繫綵線戴艾以角黍相餉十三祭關帝十五祭城隍二十五日祭龍袖

六月六日蓄水造麩造醋

七月十五日懸麻穀祭墓

八月十五玩月陳瓜餅近俗多餽女家

九月九日無登高者惟花糕相餉

十月一日門外焚楮祭先不造塋冬至元旦亦如之

十一月冬至士夫間相拜民間否

十二月八日食粥云臘八二十三日祀灶自此後嫁娶不

擇日云趙亂歲除夕守歲

四時寒多熱少春多風霾不雨布種時爲飄蕩秋霜早降  
東南臨岢嵐東北臨河曲霜尤早零田易凍歲易荒芒  
種後始有雨多雹郡臨大河寒氣甚慘每當河水開閤  
之時居民感冒輕則寒嗽重必亂時作蓋亦如  
南方之瘴云

胡洵陽曰按通志謂保德在鄉多質朴城中或爲機詐  
服飾尙華性質剛勁有小忿輒投崖跳河遇凶荒則  
擔之外境謂之赴熟然尊卑有序內外有辦亦度乎知  
禮者願通志成於嘉靖末年迄今不知凡幾變矣王仁

保德州志

卷三

風土

四十一

懷公欲障東流俾西注良爲有見柎以爲尚未盡也放  
債者不能照例取息而有日利有月利刻剝窮民即罄  
廬產歷子孫未能償焉飲酒者日出酩酊日夕不返甚  
至橫詈通衢倒卧泥沙小忿而鬪傷無冤而叫屈婦女  
不知蠶織止剪花刺綉謂習女紅乎亦竊爲惰耳睚眦  
必固風氣使然乃惟恐人家無事而袖手觀兩雄之  
口構二家之釁使人墮其術而不悟豈和睦鄉黨  
若俗重詩書人尊師傅則不減中原矣錢糧  
不用越訴一輕見至於地  
赤身裸體入冬男無

但披羊裘婦惟单衫姑媳共一裙習而安焉山惡澗深  
商賈不通然執鞭陶磁菜傭菓販種種勞苦但求活計  
不生別心此其俗之足尚者亦不乏也是在主持世道  
之人維持而挽回之勿致爲惰且侈者潛移而不覺也  
則善矣

王瑞庭曰風緣氣合俗因習成 正以前姑無論已郎  
嘉隆先輩率爲長厚士習其業農安於野敦龐愿慤之  
風可想也邇來風俗侈靡母問貴家大族雖閭井細民  
鮮不馳騫如狂曷故哉其本源在學校其濫觴在士習  
而崇雅示儉則在賢士大夫有以風之耳

張絳州曰男女婚姻人道之大者也同姓爲婚息育不  
蕃非但悖禮乃間有明公行之者何也豈可以爲細故  
而不變乎力矯前弊是在負鄉邦之望者

白君琳曰余最惡隨俗之說事之無害於義者隨俗可  
也乃若括髮絕服則爲二本焚楮門外同於野祭婚姻  
不重始何以正終陪祭用官僭從此長故雖違衆而不  
恤也他如送葬闔閭男女雜錯或有議革者然喪禮男  
婦步從不相遠嫌似亦未爲悖謬但色衣從事則越禮  
甚耳聞明季弔喪必用素袍而今竟不變服何其舛也  
佛教蔽錮已深民俗或未可革而士夫從之若狂一戢

不已至再至三前賢芳躅棄而不遵 可矣

保德州志

卷三

風土

四十四

土產

穀屬

稻 石梯灘出今 黍 有黑青紅 稷 俗呼為 麥 有大小莠宿

菽 有黃黑綠紅 梁穀 穗有毛 黍穀 有紅黃 大穀 有紅黃二

車麻 火麻 芝麻 蘇麻

菊林

果屬

沙果 一名大紅果 杏 南宮者佳 李 玉皇者小 桃 小而味酸

海棠 冬月蓄佳 孚果 海紅 棗 出馮家川

林禽 今無 葡萄 白者佳 文果 倍呼木瓜却非

保德州志

卷三

風土

四十五

菜屬

白菜 蔓菁 甜苣 莴苣

芥 芹 茄連 胡荽

蒼蓮 菜豆 蘿蔔 有黃白 葱

蒜 韭 薤 澤萌

莎椒 小茴香 辣角子

瓜屬

西瓜 近有一種名高麗白色斑 王瓜 菜瓜

通瓜 絲瓜 甜瓜 東瓜

南瓜 北瓜 茄 圓者種出 葫蘆 瓠

明季官用菜蔬俱東溝園戶輪送久之拔及各鄉民有毀畦爲地者有賣畦爲生者菜之爲害甚烈蓋送菜費一番打點不則菜不能納入冬辦送醃菜必衙役各有菜而後已焉萬歷三十七年署州事代州同知蔡繼榮出示裁革後又踵行三十八年知州胡柟申上勒石垂戒今辦醃菜猶有踵行者菜戶苦之

木屬

榆 蔡 柳 槐 松 檣 栢

青楊 桑 明萬歷間知州胡柟刊布蚕經給散 榿

椿 河楊 三春柳 楓 樺

保德州志

卷三

風土

四十六

草屬

茅 俗名香草 蓑草 可作雨衣 龍鬚 可作筩 獨掃 初生可食 茨芑 野生亦可食

黃荊 黃花可採食 地椒 艾葉 旨鷓 小草如綬亦名文草 苜蓿 馬

馬蓮 可作幣 層 可作筩 莧 茶 盆科 綿盆沙盆熟可度荒

登相子 沙地多生名沙米作羹頗美

花屬

芍藥 菊 蔡 山丹 陰裏梅 茨梅

萱草 卷丹 石竹 鳳仙花 粉團

鷄冠 扁竹 六月菊 雁來紅 西番蓮

百般嬌 金圪墘 金盞花 水紅花 冬青

翠娥梅 萼萹 葉裡藏 西番柿 石榴

土石屬

白土可粉墻 紫土 紅土西峁佳 包金土孫家溝佳 鹵土

乾泥可覆屋不漏 觀音泥一各娘娘麪出石溝內和以五穀食之可不死 火石

木鬲石可磨碑硯 太湖石 石炭

舊規石炭每年納稅銀一兩八錢仍供祭賀庭燎佳節  
門火及州官學官日用甚至門皂亦得侵用殊無愛惜  
萬歷三十八年知州胡柟盡行蠲除用價平買詳准兩  
院立石垂戒未幾復蹈舊轍炭戶苦之

鳥屬

保德州志

卷三 風土

四十七

雀 鴿 雉 燕 鵠 鳧

鷓鴣 鷓鴣 鷗 鷺 烏 半翅

撞破頭 鶉 鴝鵒 石雞 布穀 黃鶯

啄木鳥 戴勝 簷蝙蝠 鷺鳥 鴨 画眉

鷄 鵝 白頭翁

獸屬

狐 狼 狸 猫 犬 黃鼠

兔 馬 驪 驢 牛 豕

羊

鱗屬

鮎 白條 鯽 槐稍

鯢魚 出天橋 峽

明季每冬上司取魚貽害甚慘至有鬻牛賣女者萬歷十四年巡按御史陳三十九年巡撫魏皆行文嚴禁未幾復尋舊轍漁戶苦之

藥屬

自然銅 出天橋 崖 石燕子 出扒樓 溝 甘草 石菖蒲 出花園 村

右膏 出天橋 龍骨 車前 茅香

地黃 麻黃 馬兜鈴 葫蘆巴

苦參 麥蘗 花蕊石

保德州志

卷三 風土

四十八

黃芩 地骨皮 兔絲子 荆芥

野天麻 益母草 薄荷 欵冬花

蒼朮 出叢林 溝 蒼耳 薏仁 紫蘇 紅花

酸棗仁 赤小豆 桑白皮 栝子仁 知母

地榆 柴胡 蒺藜 禹餘糧 大小薊

百倍 百合 旋覆花 射干 金沸草

海蛤 時蘿 葶藶 鸞粟壳 槐花

無名異 野甘菊

貨屬

磁 生鐵器 麻 羊毛 極番

明季舊規磁戶鑄匠供給官用以及上司經遇催督紛出並不發價萬歷間知州胡柟盡行革除詳準兩院勒石垂戒未幾復尋舊轍各匠戶苦之

胡洵陽曰保德蕞爾邊城有何異產哉以盆科爲常食用乾泥以救饑民之窮可知也獨魚頗肥石炭頗饒蔬圃畧具磁鉄器頗適用卽受害無已時焉願魚之取不取其權在上二百年來僅見巡按陳公劉公巡撫沈公魏公嚴爲禁止乃未幾漸弛幸而岢嵐道相繼福清陳公南樂李公西糧廳相繼雲南楊公江夏馮公城堡廳祥符吳公復爲嚴禁漁戶始無鬻女賣牛之慘矣至磁

鉄器與炭與 其 則在乎我矣奈何易蠲而久不蠲也若曰數物甚微供之自民甚 寒冷淡寂之鄉需此數物復甚切故承舛襲謬莫可底止殊不知窮民捨生深窟徃徃有不免者爲此炭也民如探珠得之官如漏用之心則 忍旣設常例取之復啟旁徑索之民則何事供億有銀祭祀有典無故累及窮民義則何在萬歷二十六年以前河濱皆畦地也自河伯爲崇廬舍盡歸巨 何有於畦地哉官猶取菜如舊宵小乘而生好民有吞聲 肉焉耳卒之 利是官民交 之道也 炭與 用之 以 之乎 之曠然

與民更始實自爲也有識者當不以此言爲務名矣

保德州志

卷三

風土

五十

祥異

河清

元順帝三十年十一月保德暨臨州河清三日見通志說者以爲明興之兆

明 治二年保德河清七日 十四年保德河清三日

正德丁卯河清三百里者三日見紀聞或以爲世宗龍興之兆

甘露

明 治二年八月二十六日甘露降於文廟栢上味如蜜三日乃晞

保德州志

卷三

風土

五十一

人異

明 治二年正月十二日靜樂都韓景村一男長三歲向人說前世係義合都張用子原名張仁讀書十五歲土壓東門外土窟下一老抱送復生至五歲其父抱入城徑入張家見其父母親戚說前世甚悉自後往來不絕其羊祐探環之類與

嘉靖二十年王叟植瓜一老人索食叟與之老人曰吾與若鬪此瓜當結二枚不多得宜奉若親無令他人食辭去後果然叟依其說獻親剖之無子味甘如飴叟及親俱以福壽終或素孝所感與王叟諱起子所用

見選舉

萬歷三十二年八月一異人至東城樓大書粉壁曰河山帶礪兮才濟濟城廓更換兮人民竒自今開科兮永無遺後進爲學兮宜勉力蛟龍生甲兮騰空易予輕洩漏兮莫驚疑按郡自明洪武年兩進士後至是二百餘年崔士成始以是年甲辰捷南宮至今八十餘年雖鄉科寥寥而有六進士異人之言或驗

豐年

明季相傳郡從來市價每銀一錢米不過斗二三升麥不過斗一二黑豆不過斗八九莞豆不過斗五六至萬歷四十一二年一錢買米斗八九麥斗七八黑豆三斗一

保德州志

卷三

風土

五十二

二莞豆二斗七八則豐之極也

國朝康熙五年至十七年斗米值銀四五分豆不及三分麥價不過五六分年雖豐而人苦穀賤

地震

宋徽宗建中靖國元年太原路寧化嵐羗諸軍地震旬日不止壞城傾屋死者甚衆見通志

元至正戊申年六月保德地震五日不止本通鑑

明治十五年十月二十五日寅時地震門窻有聲

明嘉靖二十一年地大震房至有傾頽者三十四年十二

月地震房屋有聲

明萬曆二十九年九月初十日地震有聲移晷乃定四十二年九月二十一日戌時初刻地震自南而來連二次一道響聲隨地動往北去河東西皆震至次年是月是日孤山副將被圍以無援全軍皆沒

國朝康熙十二年二月十二日戌時地震九月九日清晨地震天昏地慘地中有聲如風匡倒牆傾半時方止夜其震五次二更地震時地中亦有聲嗣後屢震幾月餘然不似九日之甚也十三年二月初七夜半地震二十二年十一月初五日地震有壓死者三十四年四月初六日地大震四十八年九月十二地震房屋動搖墻垣

保德州志

卷三

風土

五十三

之不堅固者多倒塌

雨雹

明正德十一年雹大如鷄卵傷木殆盡

萬歷乙巳四月石堂等村雹厚尺餘三日乃消禾不生民多逃三十一年六月初五日申酉時叢林溝王家寨等處雹擊地盡赤城東西溝畦園盡沒下園民居俱爲園澤南溝井浮橋被衝去四十年八月十五日王家寨等處雹傷稼知州胡柟各賑穀有差四十二年六月初四日大雹初六日文雹俱不離故道知州胡柟先動自理穀賑其無蕎菜種者申充兩院復賑穀五百餘石

國朝康熙三十三年夏六月呂家崙晴天雨水塊三大如  
間屋是歲霜殺禾四十七年六月雨雹大如拳賈家  
塢墩梁天橋子等處樹無完枝種植俱盡

風霾

明嘉靖二十九年三月二十三日巳時風霾蔽天晝晦如  
夜人將寢復霽視之日尙在未申 說者謂鵬過云

崇 末年日黑移時

雨蛾

明萬歷六年夏好妨害稼民饑 十三年端陽日卯時微  
有白雲忽飛飛蟻滿空紛紛如雨大如指其色蒼至巳乃

保德州志

卷三

風土

五十四

止城中鄉外皆賽竊祭飯三日其夕雷雨大作明起視  
盡死果修禱之說與

飛蝗

明嘉靖十六年飛蝗蔽天禾傷民飢甚

國朝順治年飛蝗二次禾傷亦甚

霜殺禾

明萬歷辛丑七月二十六日霜甚禾盡萎城中九日無市  
民多流亡鬻男女者甚衆僵尸載道妻子不相顧

國朝康熙三十三年霜早降三十四五年霜大殺禾三十

六年霜早降四十八年雷早 荳多萎

荒年

明成化十八年斗米銀三錢逃亡甚衆

治十四年荒

正德十一年饑 十六年春夏不雨斗米三錢人有菜色  
野無完樹死者枕籍自來荒年莫此爲甚

嘉靖十九年民饑多取乾泥雜以糠麪食之以則下墜而  
目浮腫不似人形有死者

萬曆十五年夏大旱無麥斗米二錢 三十年米價騰

包城軍壯日以豆爲食雖奉上煮粥而僵尸相屬三四  
年不得復甦 三十七年夏大旱斗米二錢盜大起城

保德州志

卷三

風土

五十五

中日西後不敢獨行四十年四十一年夏大旱知州胡  
柟祖春秋繁露法步禱雨輒應禾登不飢四十三年旱  
禱又應崇 九年以後無歲不荒至十三年斗米八錢  
人相食盜賊徧野村舍 墟

國朝順治七年夏斗米值銀四錢秋則大熟 康熙三年  
荒旱四年澇斗米一錢七分民多逃亡奉

旨蠲免本年錢糧

發帑金賑濟十八年旱至十九年荒斗米三錢三分民多  
逃亡鬻男女者有之二十八年荒斗米二錢八分三十  
三年至三十七年俱夏旱秋霜斗米至四錢黑豆三錢

以上俱奉

旨蠲賑三十七年蠲通省地丁錢糧

疫厲

明萬歷八年大疫流行舁柩出城者踵相接三十九年四十年疫厲甚行大人小兒多患疹俗號庠谷知州胡柟設局延醫施人參敗毒散及二聖救苦丹全活者甚衆建藥王廟禮祀之

國朝順治間瘟疫州民王虎山家數千餘日盡死城外霍家塔諸村亦多死者

幻惑

保德州志

卷三

風土

五十六

明萬歷二十九年八月十六日南峁村民王守安及父母妻子共八口被白蓮教劉邦國惑以金船俱敲木魚誦經入黃河死觀者如市親友苦勸不聽邦國擬徒贖

河變

明萬歷戊子八月河有聲甚悲知州王甲聞之嘆曰此河哭也不數年河濱盡沒矣至戊戌五月十六日大雨不已至二十九日申時河水泛溢瀕河廬產漂蕩無餘悲號震野

國朝順治戊子秋夜半河哭旋有己丑之變殺傷甚衆康熙三年大水張家灘漂沒民居馮家川等處亦被水患

三十七年六月大雨城圯數十丈低田多沒

山鳴

明隆慶六年東郭山有聲吼鳴數月後崩陷山巔聖母廟

離故處數十丈

國朝康熙三十五年夏西灘有聲如牛鳴十二月二十七

日康家灘山崩移故處至三十六年正月初二日方止

石飛

明萬歷三十年七月南關演武山岡日久飛石擊人伺之

不見

國朝康熙間城內鍾樓巷並倉巷人家白晝飛石頃刻滿

保德州志

卷三

風土

五十七

院凡數十次

龍起

明隆慶三年六月晡時有龍起西營生員趙廷桂屋上廷

桂被擊死復甦

萬歷二十七年八月有龍起城西孫家廟前槐止隨即火

起烟焰經月不息碎枝迸飛五六十步遠者亦必帶火

煨燼三十一年有龍起東城女牆磚隙內雷火聲震遠

近崇 間龍起白家衚衕監生王朝宦家住房壁上

國朝順治間龍起南 龍王廟大楊樹上樹旋枯又龍起

西衚衕居民康家宜房壁

康熙二十六年龍起文廟啓聖祠山墻

虎至

明萬曆八年虎入孫家溝麻池中民逐至西嶺千戶孫光

祚射獲之

狼

明正德十六年至嘉靖三年狼傷人無筭牝牡相隨道路

亦阻

國朝康熙三十年以後狼入城民習爲常獨行野外必持

兵三十二年吏目解政達迎新守至沙泉獲一狼歸

殺之

鷄怪

保德州志

卷三

風土

五十八

明萬曆十九年初更時鷄鳴一唱百和滿城驚異說者以

爲兵兆次年兵西征十萬有奇過州擾甚果驗

燈怪

明嘉靖四十三年孔廟中夜二鼓有燈從遠望之輝煌明

熠入內視之則宵然不見說者謂兵兆是歲遭寇果慘

自君琳曰子不語怪而春秋書灾異盖語則滋惑而書

則知儆也水旱灾異盛代時有所恃以維持安全者惟

良有司是賴然敕荒無竒策惟因乎民而勿擾可耳如

遏糶抑米價禁小販禁鬻男女增一番禁卽多一番擾

反不如秦越視之者爲得安枕也况遏其去則阻其來

抑其價卽閉其糶且價咸而販不至物罕則 價 而  
販鱗集物多自賤必然之理也近遇水旱輒閉門禁販  
亦可笑已豈城外非吾民耶抑城中米遂足用耶小販  
雖云圖利然貧民不能遠糶正可借以獲食而禁之是  
絕物也至人情非迫於死誰肯舍其所生若行禁止是  
立而視其死也總之救荒無竒術不如因民之爲得所  
也附記之以爲留心民瘼者採擇焉

雍正四年十二月初九初十等日黃河水澄清起至五年  
正月十二十三等日止山西巡撫德 題報